

Loyiha raqami: 56216

Holati: O'rganilmoqda

Mamlakat:

O'zbekiston

Faoliyat sohasi:

Energetika

Bildirishnoma turi:

Davlat tashkiloti

Ekologik toifasi:

B

Tasdiqlash sanasi:

2026-yil 11-mart

Oshkor etilgan sana:

2026-yil 09-yanvar

Loyiha mazmuni:

Bank O'zbekistonning Namangan viloyati, Kosonsoy tumanida joylashgan 500/220/110/10 kV quvvatga ega podstansiya (bundan buyin "Loyiha") qurilishini moliyalashtirish uchun 60 million AQSh dollarigacha bo'lgan suveren kredit taqdim etishni ko'rib chiqmoqda.

Loyiha "O'zbekiston Milliy elektr tarmoqlari" AJ (NEGU) tomonidan amalga oshiriladi.

Loyiha maqsadlari:

Loyiha hududda elektr energiyasi ta'minotining ishonchliligi va sifatini yaxshilashga, elektr energiyasini samarali uzatishni ta'minlashga va sanoat hamda turar-joy hududlarida

iste'molning o'sishini hisobga olgan holda energetika tizimi barqarorligini saqlashga qaratilgan.

O'tish davri ta'siri:

ETI bahosi: 64

Loyiha "Chidamli" va "Yashil o'tish ta'siri" tamoyillariga hissa qo'shishi kutilmoqda. Loyihani amalga oshirilishi tizim yo'qotishlarini kamaytirish orqali milliy elektr tarmog'ining ishonchliligi va barqarorligini mustahkamlaydi hamda mamlakatning sharqiy energetika hududida qayta tiklanuvchi energiya manbalarini integratsiya qilishga ko'maklashadi.

Mijoz haqida ma'lumot:

O'ZBEKISTON HUKUMATI

NEGU — O'zbekistondagi davlatga qarashli elektr uzatish kompaniyasi bo'lib, tartibga solingan tabiiy monopoliyadir.

YTTB moliyaviy xulosasi

60,000,000.00 AQSh dollari

Loyihaning umumiy qiymati

72,200,000.00 AQSh dollari

Qo'shimchalar:

YTTB mahalliy bozorda mavjud bo'lmagan shartlarda uzoq muddatli moliyalashtirishni taqdim etish orqali ushbu infratuzilma loyihasiga qo'shimcha hissa qo'shadi.

YTTB, shuningdek, mijozning salohiyatini mustahkamlashni o'z ichiga olgan holda, loyihaning maqsadlariga o'z vaqtida erishishni ta'minlash uchun muhim bo'lgan tajriba, bilim va imkoniyatlarni taqdim etadi.

Ekologik-ijtimoiy xulosa:

B toifasiga tasniflangan (ESP 2024).

Podstansiya qurilishi bilan bog'liq ekologik va ijtimoiy xavflar joylashuvga xos, oson aniqlanadigan bo'lib, ularni yumshatish choralar orqali boshqarish mumkin.

Mustaqil Ekologik va Ijtimoiy Tekshiruv (ESDD) mazkur loyihaning YTTBning Komlayens siyosati (ESP 2024) va bankning Ekologik va Ijtimoiy Talablari (ESR), shuningdek milliy va xalqaro ilg'or amaliyotlarga muvofiqqligini baholash uchun olib borilmoqda.

Asosiy ekologik va ijtimoiy ta'sirlar quyidagilarni o'z ichiga oladi: mehnat va ish sharoitlari; mehnatni muhofaza qilish va texnika xavfsizligi (jumladan elektr va yo'l xavfsizligi); almashtirish va texnik xizmat ko'rsatish jarayonida pudratchilarni boshqarish; xavfli chiqindilarni boshqarish kabi ifloslanishning oldini olish masalalari; hamda loyiha manfaatdor tomonlarining shikoyatlari.

Ko'rib chiqishdan so'ng, Ekologik va Ijtimoiy Harakatlar Rejasi (ESAP), Manfaatdor Tomonlar bilan Muloqot Rejasi (SEP) va Texnik bo'lmagan Xulosa (NTS) ESRning 10 talablariga muvofiq ishlab chiqiladi.

Yashil baholash:

Parij kelishuvi bilan moslik

Loyiha YTTBning to'g'ridan-to'g'ri moliyalashtiriladigan investitsiyalar uchun Parij bitimiga moslik yondashuvi asosida Parij kelishuvining iqlim o'zgarishini kamaytirish va unga moslashish maqsadlariga mos deb topilgan.

Loyiha "Elektr energiyasini uzatish va taqsimlash, jumladan elektr energiyasi bilan ta'minlanish, energiya saqlash va talabni boshqarish" toifasi bo'yicha qo'shma Ko'p tomonlama taraqqiyot banklarning (MDB) ro'yxatida mavjud.

Iqlim bilan bog'liq jismoniy xatarlar aniqlangan, biroq ular qo'shimcha tahlil natijasida ahamiyatsiz yoki yetarlicha boshqariladigan deb topilgan. Loyiha milliy moslashuv siyosatlariga zid emas va tizim barqarorligini buzmaydi. Shuning uchun, loyiha Parij kelishuvi bilan mos deb topildi.

Yashil moliyalashtirish tasnifi

YTTB tomonidan ajratilayotgan moliyalashtirishning 100 foizi yashil sifatida tasniflanadi, chunki u iqlim o'zgarishini kamaytirishga hissa qo'shadigan faoliyatlarni qo'llab-quvvatlaydi. Ushbu tasniflash "yadroviy bo'lmagan, juda past uglerodli elektr energiyasini yetkazib berishni qo'llab-quvvatlovchi yangi quriladigan elektr uzatish infratuzilmasi" mezonlariga muvofiq amalga oshiriladi.

Texnik ko'mak va grant mablag'lari:

Loyihani tayyorlash va amalga oshirish uchun Texnik ko'mak (TK) mablag'lari jalb qilinishi mumkin.

Kompaniyaning aloqa ma'lumotlari:

Yusufbek Akhmadjanov
piu.namangan.substation@gmail.com
+998 71 236-68-08
www.uzbekistonmet.uz

O'zbekiston, Toshkent shahri, 100084, Yunusobod tumani, Osiyo ko'chasi, 42

PSD oxirgi yangilangan sana:

2026-yil 9-yanvar

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalga qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda,

zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com electron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik

mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com electron pochta orqali biz bilan bog'lanishingiz mumkin.